

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst ("Službene novine Zeničko-dobojskog kantona" broj 7/10, 3/23) na prijedlog Ministarstva za boračka pitanja, Vlada Zeničko-dobojskog kantona, na 33. sjednici, održanoj 28.06.2024.godine, d o n o s i

ZAKLJUČAK

I.

Prihvata se Informacija Ministarstva za boračka pitanja o stipendiranju redovnog studija branilaca i članova njihovih porodica za studijsku 2023./2024.godinu Ministarstva za boračka pitanja.

II.

Informacija iz tačke I ovog zaključka je u prilogu i čini njegov sastavni dio.

III.

Zaključak stupa na snagu danom donošenja.

Broj: 02-_____/24
Datum, 28.06.2024. godine
Zenica

PREMIJER

Nezir Pivić

DOSTAVLJENO:

1x Ministarstvo za boračka pitanja,
1x a/a.

Bosna i Hercegovina
Federacija Bosna i Hercegovina
Zeničko-dobojski kanton
MINISTARSTVO ZA BORAČKA PITANJA

I N F O R M A C I J A
o stipendiranju redovnog studija branilaca i članova njihovih porodica u
studijskoj 2023./2024.godini

Zenica, juni 2024.godine

U politici poboljšanja socijalno-ekonomskog položaja branilaca i članova njihovih porodica na području Zeničko-dobojskog kantona, godinama posebna pažnja pripada obrazovnoj politici, obzirom da u planiranju budućnosti obrazovni nivo ove kategorije određuje sposobnost istih da se uključe u proces rada odnosno rezultata koji se radom ostvaruju.

DIO DRUGI - Normativna regulativa

POGLAVLJE I – Zakonski propisi

Ustavom Federacije BiH propisano je utvrđivanje obrazovne politike, uključujući donošenje propisa o obrazovanju i osiguranje obrazovanja u nadležnosti kantona.

Pravo na prioritet dodjele stipendije za studij pripadnika branilačke populacije kao pravo koje se ostvaruje na nivou kantona, regulisano je federalnim propisima i to:

- Član 3. Zakona o posebnim pravima dobitnika ratnih priznanja i odlikovanja i članova njihovih porodica ("Službene novine Federacije BiH", broj: 70/05, 61/06, 9/10, 14/13, 90/17 i 29/22).

Dodjela stipendija braniocima i članovima njihovih porodica za period na koji se odnosi ova Informacija vršena je na osnovu slijedećih kantonalnih propisa:

- Član 23. Zakona o dopunskim pravima branilaca i članova njihovih porodica ("Službene novine Zeničko-dobojskog kantona", broj: 1/14) prema kojem: "Braninci i članovi njihovih porodica, koji su srednje obrazovanje stekli u školama na području Bosne i Hercegovine, imaju pravo na dodjelu stipendije za redovni studij na visokoškolskim ustanovama, u skladu sa posebnim propisom koji donosi Vlada Kantona, a kojim se naročito utvrđuje visina novčanih sredstava za stipendiranje, uvjeti, način i postupak dodjele stipendija, kao i ostala pitanja od značaja za ostvarivanje ovog prava."

- Uredba o stipendiranju redovnog studija branilaca i članova njihovih porodica („Službene novine Zeničko-dobojskog kantona“ broj: 4/14, 1/18 i 15/21).

POGLAVLJE II – Uredba o stipendiranju redovnog studija branilaca i članova njihovih porodica

Ministarstvo za boračka pitanja Zeničko-dobojskog kantona (u daljem tekstu: Ministarstvo) kao nosilac aktivnosti na dodjeli stipendija po Uredbi, opredjelilo se za stipendiranje redovnog studija na visokoškolskim ustanovama, koji obuhvata redovni i samofinansirajući studij prvog i drugog ciklusa Bolonjskog sistema studiranja.

Izmjenom Uredbe u 2021. godini na konkurs mogu aplicirati sva djeca-studenti iz jednog porodičnog domaćinstva i isti ako ispunjavaju odredbe konkursa mogu biti i korisnici stipendije tj. brisan je član kojim se ograničava dodjela stipendije samo jednom kandidatu iz jednog porodičnog domaćinstva. Izmjenama Uredbe djeca umrlih demobiliziranih branilaca, koji su sa istim živjeli u zajedničkom domaćinstvu ili ga je isti izdržavao najmanje posljednju godinu prije smrti, do navršene 30. godine života, više nisu limitirana vremenom i periodom učešća u OS R BiH umrlog roditelja. Izmjene Uredbe odnose se i na nemogućnost dodjele stipendije studentima koji su upisali studijsku godinu po osnovu bezuslovnog upisa i studente drugog ciklusa koji su u radnom odnosu, te da ministar Ministarstva odlučuje o broju stipendija, visini stipendije i iznosu doznačenih sredstava za svaki grad/općinu Kantona.

U skladu sa odredbama Uredbe:

- Na konkurs mogu aplicirati svi redovni i samofinansirajući studenti prvog i drugog ciklusa Bolonjskog sistema studiranja u BiH i van granica BiH iz jednog porodičnog domaćinstva koji ispunjavaju uslove konkursa;

- Odluku o broju i visini stipendije za svaku budžetsku godinu po raspisanom konkursu donosi Ministar;

- Isplata stipendija se vrši u osam jednakih mjesečnih rata;

Pravo na dodjelu stipendije mogu ostvariti svi studenti Zeničko-dobojskog kantona koji ispunjavaju

uslove Uredbe i konkursa:

- a) dobitnici ratnih priznanja ili odlikovanja;
- b) ratni vojni invalidi;
- c) demobilizirani branioci koji su u periodu od 06.04.1992. do 23.12.1995.godine u sastavu Oružanih snaga proveli najmanje 24 mjeseca odnosno 12 mjeseci, ukoliko su u OS pristupili kao maloljetno lice ili 6 mjeseci po punoljetstvu;
- d) članovi porodice šehida, poginulih, umrlih i nestalih branilaca i umrlih ratnih vojnih invalida;
- e) članovi uže porodice poginulih, umrlih ili nestalih dobitnika ratnog priznanja ili odlikovanja;
- f) djeca dobitnika ratnih priznanja ili odlikovanja – do navršene 30. godine života;
- g) djeca ratnih vojnih invalida – do navršene 30. godine života;
- h) djeca demobiliziranih branilaca koji su u periodu od 06.04.1992. do 23.12.1995.godine u sastavu Oružanih snaga proveli najmanje 24 mjeseca odnosno 12 mjeseci, ukoliko su u OS pristupili kao maloljetno lice ili 6 mjeseci po punoljetstvu – do navršene 30. godine života;

Uredbom su utvrđeni i posebni korisnici koji mogu ostvariti pravo na stipendiju:

- a) dijete šehida, poginulog, umrlog, nestalog branioca, kojem je prestalo pravo na porodičnu invalidninu – do navršene 35. godine života;
- b) dijete poginulog, umrlog ili nestalog dobitnika ratnog priznanja ili odlikovanja, osim lica iz tačke a) kojem je prestalo pravo na mjesečni novčani dodatak i dijete umrlog ratnog vojnog invalida koje nije korisnik prava na porodičnu invalidninu – do navršene 30. godine života;
- c) dijete umrlog demobiliziranog branioca koji je sa istim živjelo u zajedničkom domaćinstvu ili ga je isti izdržavao najmanje posljednju godinu dana prije smrti – do navršene 30.godine života.

- Pravo učešća na konkursu za dodjelu stipendije nemaju kandidati koji:

- a) imaju status apsoluta;
- b) su u tekućoj studijskoj godini na istom ili drugom fakultetu ponovno upisali istu godinu studija;
- c) koji su na vanrednom studiju;
- d) koji primaju kredit ili stipendiju drugog davaoca;
- e) koji su studenti II ciklusa studija u radnom odnosu;
- f) koji su upisali studijsku godinu po osnovu bezuslovnog upisa, odnosno u skladu sa odredbama zakona o visokom obrazovanju federalnog i kantonalnog nivoa;
- g) čiji prihod po članu domaćinstva prelazi iznos od 769,60 KM (80% prosječne neto plaće isplaćene u Kantonu u prethodnoj godini);
- h) oni ili članovi njihovog porodičnog domaćinstva su vlasnici ili suvlasnici subjekta koji obavlja privrednu ili drugu djelatnost, registriranog kao privredno društvo;
- i) nemaju prebivalište na području Kantona u trajanju od najmanje dvije godine neprekidno, do dana podnošenja zahtjeva, osim povratnika u Republiku Srpsku;
- j) su upisali studij poslije navršene 25.godine života osim dobitnika ratnih priznanja ili odlikovanja, ratnih vojnih invalida i demobiliziranih branilaca koji su u periodu od 06.04.1992. do 23.12.1995.godine u sastavu Oružanih snaga proveli najmanje 24 mjeseca odnosno 12 mjeseci, ukoliko su u OS pristupili kao maloljetno lice ili 6 mjeseci po punoljetstvu;

S tim u vezi odredbe tačke g) se ne odnose na kandidate – članove porodice šehida, poginulih, umrlih i nestalih branilaca i umrlih ratnih vojnih invalida i članove uže porodice poginulih, umrlih ili nestalih dobitnika ratnog priznanja ili odlikovanja.

- Uz prijavu na konkurs kandidati dostavljaju sljedeću dokumentaciju:

- a) dokaz o statusu branioca i člana njegove porodice;
- b) uvjerenje o kretanju- kao dokaz o prebivalištu;
- c) potvrdu o redovnom studiju;
- d) dokaz o ostvarenom uspjehu u prethodno završenoj školskoj/studijskoj godini (ovjerena kopija svjedočanstva/uvjerenje o ostvarenom prosjeku ocjena u prethodnoj studijskoj godini sa ovjerenom kopijom stranice indeksa koja sadrži podatke o ovjeri posljednjeg semestra);
- e) dokaz o nezaposlenosti studenta II ciklusa studija (uvjerenje nadležne Poreske ispostave o statusu

osiguranika, odnosno da se isti ne vodi u jedinstvenom sistemu uplate doprinosa);

- f) ovjerenu kućnu listu;
- g) uvjerenje o prosječnim prihodima zaposlenih za posljednja tri mjeseca računajući do dana objave konkursa, odnosno dokaz o nezaposlenosti za svakog punoljetnog člana domaćinstva sa kućne liste (uvjerenje nadležne Poreske ispostave o statusu osiguranika, odnosno da se isti ne vodi u jedinstvenom sistemu uplate doprinosa);
- h) ovjerenu kopiju Specifikacije za utvrđivanje dohotka od samostalne djelatnosti - obrazac SPR 1053 (koji se podnosi uz Godišnju poreznu prijavu/Godišnju prijavu dohotka) za prethodnu kalendarsku godinu
- i) ovjerenu izjavu o ukupnim prihodima domaćinstva;
- j) ovjerenu izjavu da ne prima stipendiju po drugom osnovu;
- k) Izvod iz matične knjige umrlih (za umrlog roditelja), a za razvedene roditelje pravosnažnu presudu o razvodu braka.
 - Lica koja su izuzeta od bodovanja u skladu sa članom 16. Uredbe o stipendiranju prilažu i
- a) rješenje nadležnog organa o priznavanju prava na ličnu i porodičnu invalidninu;
- b) rješenje nadležne institucije o utvrđenom procentu invaliditeta studenta ili člana porodičnog domaćinstva (neratni invalidi i civilne žrtve rata).

Prijava na konkurs sa potrebnom dokumentacijom podnosi se gradskoj/općinskoj službi nadležnoj za poslove branilačko-invalidske zaštite u gradu/općini u kojoj kandidat ima prebivalište, odnosno, ukoliko se radi o povratniku u RS, u gradu/općini u kojoj ostvaruje prava iz branilačko-invalidske zaštite ili najbližoj općini na području Kantona.

- Izbor kandidata za dodjelu stipendija vrši se na osnovu liste prvenstva, sačinjene bodovanjem po slijedećim kriterijima:

- a) ostvaren uspjeh u prethodno završenoj školskoj/studijskoj godini;
- b) socijalno-ekonomska situacija;
- c) ratna priznanja, ratni staž i invaliditet (odnosi se na roditelja po osnovu čijeg učešća u OS kandidat ostvaruje pravo učešća na konkursu)

- Pravo na dodjelu stipendije bez bodovanja imaju kandidati koji su: dobitnici ratnih priznanja ili odlikovanja; ratni vojni invalidi; demobilizirani branioci; članovi porodice šehida, poginulih, umrlih i nestalih branilaca i umrlih ratnih vojnih invalida, posebni korisnici prava (dijete šehida, poginulog, umrlog, nestalog branioca, kojem je prestalo pravo na porodičnu invalidninu – do navršene 35. godine života, dijete poginulog, umrlog ili nestalog dobitnika ratnog priznanja ili odlikovanja, kojem je prestalo pravo na mjesečni novčani dodatak i dijete umrlog ratnog vojnog invalida koje nije korisnik prava na porodičnu invalidninu – do navršene 30. godine života i dijete umrlog demobiliziranog branioca koji je sa istim živjelo u zajedničkom domaćinstvu ili ga je isti izdržavao najmanje posljednju godinu dana prije smrti – do navršene 30.godine života), djeca ratnih vojnih invalida sa procentom invaliditeta 70% i više i kandidati sa procentom invaliditeta 70% i više.

DIO TREĆI - Dodjela stipendija u studijskoj 2023./2024.godini.

Stipendije u studijskoj 2023./2024.godini dodjeljivane su kandidatima izabranim po osnovu rezultata konkursa koje je raspisalo Ministarstvo za boračka pitanja u Dnevnom avazu i Našoj riječi dana 31.10.2023. godine, a obavještanje o objavljenom konkursu za dodjelu stipendija (postupak podnošenja zahtjeva, potrebna dokumentacija, kriteriji za izbor kandidata) izvršeno je i putem nadležnih gradskih/općinskih službi za branilačko-invalidsku zaštitu, kantonalnih branilačkih organizacija, oglasnih ploča i web stranice Kantona.

Za stipendiranje studenata branilaca i članova njihovih porodica u Budžetu Kantona za 2024.godinu planirana su sredstva u iznosu od **2.200.000,00 KM** („Službene novine Zeničko-dobojskog kantona“ broj 21/23) i istim je omogućeno ostvarivanja prava na stipendiju svim studentima koji su aplicirali na konkurs, a koji su ispunjavali uslove istog, te zakonskih i podzakonskih akata Ministarstva. Po peti puta dodjeljene su stipendije svim studentima Kantona koji su ispunjavali uslove konkursa sa objavljenih konačnih lista i uvaženih žalbi za studijsku 2023/2024.godinu.

Visina stipendije za studente prve godine studija prvog ciklusa je iznos od 1.000,00 KM, a ista će se uplatiti u osam mjesečnih rata u iznosu od 125,00 KM, dok će ostali studenti prvog i drugog ciklusa studiranja dobiti po 1.400,00 KM, odnosno ratu stipendije u iznosu od 175,00 KM.

U skladu sa članom 30. Uredbe ministar Ministarstva je donio Instrukciju za provođenje konkursne procedure za dodjelu stipendija studentima redovnog i samofinansirajućeg studija na visokoškolskim ustanovama (prvog i drugog ciklusa Bolonjskog sistema studiranja)-braniocima i članovima njihovih porodica za studijsku 2023./2024.godinu, sa hodogramom aktivnosti za sve nadležne službe Kantona i Ministarstva.

Instrukcijom su data pojašnjenja pojedinih odredbi Uredbe, a u cilju jednoobraznog i efikasnog provođenja procedure, kao i obavezujući hodogram aktivnosti zbog važnosti koordiniranog rada između Ministarstva i nadležnih gradskih/općinskih službi.

U skladu sa članom 22. stav (3) i članom 25. stav (3) Uredbe o žalbama na rješenja gradskih/općinskih službi rješava Ministarstvo. Po konkursnoj proceduri dodjele stipendija studentima za studijsku 2023./2024.godinu ukupno je uloženo 21 žalba i to po preliminarnoj listi. Nakon okončanja procedure u postupku po žalbi u Ministarstvu, u devet predmeta po žalbi su poništena rješenja i vraćena na ponovni postupak, a dvanaest predmeta po žalbi je odbijeno.

DIO ČETVRTI

- Tabelarni pregled prijavljenih studenata i odobrenih stipendija sa komentarom

Gradske/općinske službe nadležne za pitanja branilačko-invalidske zaštite Kantona zaprimile su ukupno **1.643** (hiljadušeststotinačetdesetri) zahtjeva za dodjelu stipendija za studijsku 2023./2024. godinu, što je za 232 zahtjeva manje u odnosu na prethodnu studijsku godinu. Pregled broja prijavljenih kandidata po gradovima/općinama i kategorijama branilačke populacije prikazan je u tabeli broj 1., a u tabeli broj 2. prikazani su podneseni zahtjevi po godinama studija prvog i drugog ciklusa studiranja.

Pravo na dodjelu stipendija za posmatranu studijsku godinu ostvarilo je ukupno **1.520** (hiljadupetstotinadvadeset) studenata što je za 209 stipendija manje u odnosu na prethodnu godinu.

Pregled broja korisnika stipendija po gradovima/općinama i kategorijama pripadnosti branilačke populacije prikazan je u tabeli broj 3., a u tabeli broj 4. je pregled po godinama studija prvog i drugog ciklusa studiranja.

Tabela 5. sadrži hronološki pregled broja odobrenih stipendija i sredstava po općinama i godinama od studijske 2016./2017.godine i dalje.

DIO PETI - Zaključna razmatranja

Obrazovanje, kao segment obrazovne i socijalne politike društva, a u dijelu koji se odnosi na branilačku populaciju, dio je obaveze i moralnog duga države, koji se na ovaj način usmjerava na jačanje kapaciteta pojedinca i društva u cjelini. U tom smislu stipendiranje studenata branilaca i članova njihovih porodica zauzima značajnu ulogu i ovo je uvijek bio jedan od prioriteta Ministarstva, što će svakako biti politika i praksa i ubuduće.

Imajući u vidu da nijedno šehidske djece više nije u pravu, te da nije apliciralo na konkurs i ostvarilo pravo na boračku stipendiju, a da se iz godine u godinu povećava broj djece demobiliziranih branilaca te djece umrlih ratnih vojnih invalida i umrlih demobiliziranih branilaca, da je među stipendistima najveći broj onih koji su postigli veoma dobar uspjeh u toku školovanja, da korisnici stipendije Ministarstva – studenti ne gube godine, a rezultat je u povećanom broju studenata druge i ostalih godina studija, te da se radi o porodicama koje se nalaze u stanju socijalne potrebe (veliki broj djece DB su iz porodica bez primanja i sa primanjima koja su u toku 2023-te godine ostvarena egzistencijalnom naknadom federalnog ili kantonalnog nivoa vlasti), smatramo da je stipendiranje branilaca i članova njihovih porodica u potpunosti opravdalo svoju svrhu.

Izmjena Uredbe desila se u pravo vrijeme i brisanjem člana 17., kojim je definisano da samo jedan kandidat iz porodice sa dva i više studenta dobije boračku stipendiju, je omogućila da svi studenti iz jedne porodice branioca mogu aplicirati na konkurs i ako ispunjavaju uslove i dobiti stipendiju. Takođe izmjena je omogućila Ministru da donese odluku o visini boračke stipendije za svaku budžetsku godinu a koja za prvu godinu prvog ciklusa studiranja iznosi 1.000,00 KM, a za drugu i ostale godine studija i drugi ciklus studiranja iznosi 1.400,00 KM.

U ovom smislu poželjno je i dalje omogućiti dodjelu stipendija na nivou Zeničko-dobojskog kantona svim redovnim i samofinansirajućim studentima pripadnicima branilačke populacije, a takođe iznaći mogućnost da se visina stipendije iz godine u godinu poveća.

Pored toga, smatramo važnim istaći da je ubuduće potrebno ostvariti još bolju koordinaciju i uskladiti aktivnosti svih davalaca stipendija i kredita za školovanje na području Kantona i šire, a u cilju postizanja pravednije raspodjele, davanja približno iste visine stipendije i obuhvatanja svih studenata ovim vidom pomoći.

Prilog:

- tabele 1 do 5.

MINISTAR

Adnan Sirovica